





第四〇八册

四庫全書

●上海古籍出版社

本冊目次

太平治迹統類	咸淳遺事	大金弔伐錄	汝南遺事	錢塘遺事	平宋錄
--------	------	-------	------	------	-----

宋彭百川撰……………一	宋不著撰人……………七九七	不著撰人……………八三三	元王鶚撰……………九三三	元劉一清撰……………九五九	元劉敏中撰……………一〇三五
-------------	---------------	--------------	--------------	---------------	----------------

欽定四庫全書

史部
太平治迹統類卷一

詳校官編修_臣邱庭樞
編修_臣張謙勳

總校官知縣_臣楊懋珩
校對官主簿_臣郭祚熾
謄錄監生_臣李橫

欽定四庫全書

史部五

太平治迹統類

雜史類

提要

_臣等謹案太平治迹統類三十卷宋彭百川撰百川字叔融眉山人是書凡八十八門皆宋代典故文獻通考載前集四十卷又後集三十三卷載中興以後事此本乃朱彝尊從焦竑家藏本抄傳但有前集不分卷數又中

欽定四庫全書

太平治迹統類

間記不勝乙癸尊嘗謂焦氏本卷帙次第為裝訂者所亂備書人不知勘正別用格紙以致接處文理不屬是也初紹興中江少虞作皇朝事實類此李攸又作皇朝事實與百川此書皆分門隸事少虞書採摭雖富而俳諧瑣事一一魚載體例頗近小說攸書於典制特詳記事頗略惟此書於朝廷大政及諸臣事迹敘述頗為賅備多可與史傳相參雖傳

寫久訖而規模終具闕其斷爛之處而取其
可以考見端委者固與李心傳建炎以來朝
野雜記均一代記載之林矣乾隆四十六年
十月恭校上

總纂官臣紀昀臣陸錫熊臣孫士毅

總校官臣陸費曄

欽定四庫全書

太平治通鑑類編

欽定四庫全書

太平治通鑑類編卷一

宋 彭百川 撰

聖宋顯帝積慶衍瑞

趙氏之先自造父為周穆王御封趙城因氏焉其後與
韓魏分晉別為諸侯至漢趙廣漢居涿郡中遂為郡人
皇高祖諱脫以儒學為業歷永清文安幽都三縣令皇
曾祖諱珉亦儒學世其業歷滿鎮從事累官至黃御史
欽定四庫全書

太平治通鑑類編

中丞皇祖諱敬懷慨有大志事劉仁恭父子歷營薊涿

三州刺史周顯德中贈左驍衛上將軍皇考諱弘殷事

唐莊宗掌飛捷禁軍踰二十年歷漢周累以功遷至檢校

司徒贈太尉

此條通鑑
例云云

先是唐貞元壬午歲有五色雲

見長安太史張璠曰以日宿推之在宗分後一百六十

年有聖人興其地至後唐天成丁亥歲上生於洛陽夾

馬營有神光滿室異香經宿不散上諱匡胤晉天福中

兩浙兒童聚戲多以趙字為語助開運末宋州有異人

指其地曰不二十年有帝王由此建號上雄偉沉厚而多大畧嘗客遊至漢東而刺史范陽董宗本之子遵誨每見城上有紫雲如蓋及上去紫雲漸散周祖西征得上以置左右世宗嗣位命上掌禁軍劉崇寇澤潞世宗親帥師與崇遇於高平大將樊愛能等未戰而遁世宗躬自督戰上即大呼躍馬徑犯其鋒萬衆披靡周師復振崇衆大潰還授殿前都虞候世宗征淮南命上領親騎翼從敗淮人萬餘於渦口偽將皇甫暉及姚鳳率衆號

欽定四庫全書

太平御覽

二

十五萬塞清流關上擊走之暉將保滁州上追至城下擒之復鳳還下滁州時侍衛馬軍帥武安韓令坤平揚州吳將陸孟俊據蜀岡以逼其城令坤懼欲退師世宗命上領兵趨六合據之敗李景之弟達於六合東殺萬餘衆禁兵有不用命者必賜為之趣戰奮劍破其皮笠以明日索斬之自是人皆死戰皇考崩踰月起復授殿前都指揮使世宗復征淮南命上率殿前諸軍以下壽州還領義成軍節度世宗征濠泗上率精騎為前鋒破吳

人於十八里灘乘勝攻泗州范再遇以城降及征楚州上親冒矢石度兵登城拔之改忠武軍節度世宗北征上先至瓦橋關降其將盧龍姚內斌又敗北騎數萬還平關南世宗一日於文書囊中得木長三尺餘題曰點檢作天子世宗異之時曲陽張永德為殿前都點檢命上伐之果還歸德軍節度一日上夢從世宗遊池上世宗取印視之迴顧梁王弗與而殺於上上嘗從布衣卒文悅肄業卒文悅亦夢邀駕既拜乃上也又有青衣童子據床而坐曰宋州官家教我來忽不見其幽顯符應如此時周帝幼冲故內外皆有推戴之意

欽定四庫全書

太平御覽

三

太祖受禪

建隆元年春正月辛丑北漢兵自上門東下與契丹入寇命諸將禦之太祖自殿前都虞候輔政凡六年士卒服其恩威數從世宗征伐人望固已歸之壬子鎮寧節度慕容延釗先發時都下謠言將以出兵之日策點檢為天子萬民恐怖爭為逃匿之計惟內庭晏然不知發

卽大軍出愛景門紀律嚴甚衆心稍安軍校河中苗訓者號知天文見日黑光久相磨蕩指謂太祖親吏宋城楚昭輔曰此天命也是夕次陳橋驛將士相與聚謀曰主上幼弱未能親征我輩出死力為國家破賊誰則知之不如先立點檢為天子然後北征未晚也都押衙上黨李處耘具以其事白皇帝弟及節度掌書記蘆人趙普語未竟諸將突入稱說紛紛普及匡義各以事理逆順曉譬之曰太尉忠赤必不見從諸將相顧亦有稍稍

欽定四庫全書

太平御覽

四

引去者已而復集露刃大言曰軍中偶語則族今已定議太尉若不從則我輩亦安肯退而受禍普察其勢不可遏與匡義同聲叱之曰策立大事固宜審圖爾等何得便肆狂悖乃各就坐聽命普復謂曰外寇壓境將莫誰何盍先據却歸始議此諸將不可曰方今政出多門若俟寇退師還則事變不可知也但當急入京城策立太尉徐引而北破賊不難太尉苟不受策六軍決亦難使向前矣普謂匡義曰事既無可奈何政須早以約束

因語諸將曰興王易姓雖云天命實係人心前軍昨已過河節度使各據方面京師若亂不惟外寇愈深四方必轉生變若能嚴勅軍士勿令剽劫都城人心不搖則四方自然寧謐諸將亦可長保富貴矣皆許諾乃其郭分夜遣衙隊軍使郭延贊馳告殿前指揮使浚儀石守信殿前都虞侯洛陽王審琦守信審琦皆素歸心太祖者也將士環列待旦太祖醉卧初不省甲辰黎明四面叫呼而起聲震原野普與匡義入白太祖諸將已據甲

欽定四庫全書

太平御覽

五

執兵直扣寢門曰諸將無主願策大尉為天子太祖驚起披衣未及酬應則相與扶出聽事或以黃袍加太祖身且羅拜下稱萬歲太祖固拒之衆不可遂相與扶太祖上馬擁逼南行匡義立於馬前請以剽劫為戒太祖度不得免乃攬轡誓諸將曰汝等自貪富貴立我為天子能從我命則可不然我不能為若主也衆皆下馬曰唯命太祖曰少帝及太后我皆北面事之公卿比肩之人也汝等無得輒加凌暴入城不得侵掠擅劫府庫汝

等用命有厚賞不然當族誅諸校皆稟命時上母南陽
郡夫人杜氏在城中上憂之遣楚昭輔先入問起居時
石守信嚴兵守左掖門昭輔至納之昭輔見上母具陳
士衆擁戴之狀瑯琊夫人王氏侍側有懼色上母言笑
自若曰吾兒生時神異吾知其必享天命上整軍自仁
和門入秋憂無所犯先遣客省使大名潘美見執政論
意時宰相早朝未退聞變范質見開運元年下殿執王溥手
溥見乾祐二年曰倉卒還將我輩之罪也不入溥手則出血溥

欽定四庫全書

太平御覽

六

禁不能對太平節度使同平章事侍衛馬步軍副都指
揮使在京巡檢太原韓通通見顯德二年自內庭皇遽奔歸將
率衆備禦散員都指揮使蜀人王彥昇過於路躍馬逐
之至其第第門不及掩遂殺之并其妻子諸將翼太祖
登明德門太祖令軍士解甲還營太祖亦歸公署釋黃
袍俄而將士擁質等俱至太祖鳴咽曰吾受世宗厚恩
為六軍所逼一旦至此慚負天地將若之何質不肯拜
列校太原羅彥環挺劍而前曰我輩無主今日必得天

予太祖此之不退質等不知所為乃言古有受禪之禮
今可行也因具陳之且曰太尉既以禮受禪事太后當
如母養少主當如子勿負先帝舊恩上許諾質等降塔
列拜質言受禪禮通略載長編以為未入城時議已定今並錄出呼萬歲奉上詣崇
元殿行禪代禮名文武百官就列至晡班定周帝下制
禪位宣徽使引太祖就龍墀北面拜受宰相扶太祖升
殿易服東序選即位羣臣拜賀奉周帝為鄭王太后為
周太后遷居西京乙巳詔因所領節度使州名定國號

欽定四庫全書

太平御覽

六

曰宋改元大赦常赦所不原者咸赦除之內外馬步軍
士等第優給命官分告天地社稷遣中使乘傳賞詔諭
天下節度使又別以詔賜馬辛亥石守信高懷德張令
鐸王審琦張光翰趙彥徽官爵階勛並從超等酬翼戴
之勛也乙未遣使往諸州賑貸丁巳天雄節度使守太
尉兼中書令魏王完丘符彥卿上表乞呼名詔不久彥
卿宿將且前朝近親皇弟匡義汝南郡夫人又彥卿女
也上每優其禮遇云先是鎮安節度使侍衛馬步軍都

虞侯武安韓令坤領兵巡北邊慕容延釗復帥前軍至
真定上既受禪遣使諭延釗與令坤各以便宜從事兩
人皆聽命已未加延釗殿前點檢昭化節度使同平章
事王成歸德節度判官寧陵劉熙古為左諫議大夫樞
密直學士宋臺為觀察判官安次呂餘慶為給事中端
明殿學士攝觀察推官太原沈義倫為戶部郎中甲子
以皇弟殿前都虞侯匡義領睦州防禦使賜名光義
尊帝母南陽郡夫人杜氏為皇太后同平章事范質加
侍中右僕射王溥加司空樞密使太原吳廷祚同中書門
下二品三月乙巳改天下郡縣之犯御名廟諱者壬戌
追尊祖考為帝高祖肱諡曰文獻廟號僖祖陵曰關陵
高祖妣崔氏諡曰文懿曾祖兼御史中丞玘諡曰惠元
廟號順祖陵曰關陵曾祖妣秦氏諡曰惠明皇祖涿州
刺史敬諡曰簡恭廟號翼祖陵曰定陵祖妣劉氏諡曰
簡穆皇考右廂都指揮使岳州防禦使弘殷諡曰昭武
廟號宣祖陵曰安陵陵名號諡皆翰林學士禮部侍郎

萬太常寺事漁陽實儼所撰定儼儀弟也有司言國家
受周木德木生火當以火德王色尚赤臘用戌從之上
既即位欲陰察羣情鸞背頗為微行或諫曰陛下新得
天下人心未安今數輕出萬一有不虞之變其可悔乎
上笑曰帝王之興自有天命求之亦不可得拒之亦不
能止周世宗見諸將方面大耳者皆殺之然我亦終日
侍側不能害我若應為天下主誰能圖之不應為天下
主雖閉門深居何益既而微行愈數曰有天命者任自
為之我不汝禁也由是中外懾服

太祖平澤潞

李

李筠并州太原人也善騎射後唐秦王從榮判六軍諸
衛募勇士為爪牙筠操弓矢求見弓力及百斤府中無
能挽者從榮令筠射引滿有餘力再發皆中遂謀廢下
周祖朝為昭義軍節度加檢校太傅世宗即位加侍中
恭帝即位加檢校太尉建隆元年四月兼中書令筠在
鎮逾八年恃勇專恣招集亡命陰為跋扈之計周世宗

每優容之及上即位遣使諭以受禪筠即欲拒命左右
為陳歷數乃僂僂下拜既延使者陞階置酒張樂遽索
周祖畫像置廳鮮涕泣不已賓佐惶駭告使者曰令公
被酒失其常性幸毋怪時北漢主知筠有異志潛以蠟
書誘筠筠雖具奏而反謀已決筠長子守節涕泣切諫
筠不聽上手詔書慰撫因除守節為皇城使筠遣守節
入朝且伺朝廷動靜上即曰太子却何故來守節覆然
以頭擊地曰陛下何言此必有讒人間臣父子也上曰

欽定四庫全書

太平御覽

十

吾亦聞汝數諫老賊不汝聽不復顧藉故遣爾來欲吾
殺汝可盡歸語而父我未為天子時任汝自為之我既
為天子汝獨不能小讓耶守節馳歸且以告筠反謀
愈急癸未執監軍亳州防禦使周光遜開廐使李廷玉
遣其教練使劉繼冲判官孫孚送於北漢納款求援先
遜德威子廷玉嗣昭之孫皆有舊北漢主俱釋之厚賜
遣還第筠又遣衆殺澤州刺史張福據其城從事閻丘
仲卿說筠曰公以孤軍舉事其勢甚危雖倚河東之援

欽定四庫全書

太平御覽

十一

恐亦不得其力大梁兵甲精銳難與爭鋒不如西下太
行直抵懷孟塞虎牢據洛邑東向而爭天下計之上也
筠曰吾周朝宿將與世宗義同昆弟禁衛皆吾舊人必
將倒戈歸我况有僭珪檣檣汗馬何憂天下哉僭珪筠
愛將有勇力善用槍檣汗馬筠駿馬也丙戌昭義反書
至樞密吳廷祚言於上曰潞城險固且阻太行彼若固
守未可以歲月破然李筠素驕易無謀宜速兵擊之彼
必恃勇出關但離窠穴即成擒矣上納其言戊子遣侍
衛副都指揮使石守信殿前副都點檢高懷德帥前軍
進討上敕守信等曰勿縱筠下太行急引兵扼其隘破
之必矣丙申上召三司使清河張美調兵食美言懷州
刺史馬令琮度李筠必反日夜儲峙以待王師上亟令
使令琮訓練使宰相范質曰大軍北伐方藉令琮供億
不可移他耶戊戌陞懷州為團練使以令琮先充使五
月庚子命宣徽南院使高唐晉居潤赴澶州巡檢殿前
都點檢鎮寧節度使慕容延釗彰德軍留後太原王全

斌率兵由東路與石守信高懷德會北漢主遣內園使李弼以詔書金帛善馬賜李筠筠復遣劉繼冲詣晉陽請北漢主舉軍南下已為前導北漢主將謀於契丹繼冲道筠意請無用契丹兵北漢主從之即日大閱傾國自將出圍柏谷厚臣餞之汾水左僕射趙華曰李筠舉事輕易事必無成陛下掃境內而赴之臣未見其可也北漢主瞋目謂華曰朕志已決卿安能知其必無成耶卿有長策固當何如華未及對北漢主拂衣上馬行至太平驛筠身率官屬耆老迎謁北漢主命筠贊拜不名坐於宰相衛融之上封西平王賜馬三百疋及服玩珍異甚衆筠所獻亦畧與所賜等及文武大臣皆有賂筠見北漢主儀衛寡弱不似王者內甚悔之北漢主數召筠筠自言受周氏恩不忍負之而北漢主與周世仇也聞筠言亦不悅筠將還別賜馬及甲鎧具裝遣宣徽使盧贊監其軍筠心益不平筠有馬三千匹日夕教閱欲直趨大梁贊嘗見筠計事不應顧左右曰大梁兵皆我

昔時部曲也見我則降耳贊怒拂衣而起北漢主聞贊與筠有隙遣衛融軍中和解之筠留其長子守節守上黨自率衆三萬南出癸卯石守信破李筠衆於長平斬首三千餘級又以兵攻拔其大會寨甲辰詔削奪李筠官爵丁巳詔親征以樞密使吳廷祚為東京留守端明殿學士知開封府呂餘慶副之皇弟殿前都虞候光義為大內都點檢侍衛馬步軍都指揮韓令坤率兵屯河陽已未帝發大梁壬戌次蒙陽召西京留守河內向拱與語拱勸上濟河踰太行乘賊未集而擊之稽留浹旬則其鋒益熾矣樞密直學士趙普亦言賊意國家新造未能出征若倍道兼行掩其不備可一戰而克上納其言甲子次河陽丙寅次懷州丁卯前軍都部署石守信副都部署高懷德破賊軍三萬餘衆於澤州南獲北漢河陽節度使范守圖殺盧贊筠遁入澤州嬰城自固六月己巳朔上至澤州督諸軍攻城初吐渾府都留後汾州團練使王全德帥所部從李筠戰澤州南既敗走入

潞與筠子守節為拒守計及上聞澤州全德大懼與親

信數十人犯闕來奔龍捷指揮王廷魯亦自潞州相繼

出降賊勢轉威矣澤州城踰月不下召控鶴左廂都指

揮使馬全義賜食御坐問以計策全義請併力急攻且

曰緩之恐復生變上即命諸軍奮擊全義率敢死士先

登飛矢貫臂流血被體全義拔鐵進戰士氣益奮上親

帥衛兵繼之辛巳克其城李筠赴火死獲北漢宰相衛

融命掩尸格禁剽掠放澤州民今年田租乙酉進攻潞

欽定四庫全書

太平治道統類

十四

州丁酉筠子守節以城降上赦其罪陞單州為團練用

守節為使是日車駕入潞州宴從臣於行宮辛卯德音

降死罪因流以下原之潞州城近三十里內勿取今年

田租北漢主聞筠敗自太平驛遁還晉陽謂趙華曰李

筠無狀卒如卿言吾幸全師以歸但恨失衛融盧贊爾

由是重文學之士久之華請老使食其賦終身丁酉上

發潞州秋七月戊申至京師戊子宴韓令坤於禮儀講

武殿賜襲衣器幣勒馬有差賞平澤潞之功也

太祖親征淮南 李重

建隆元年九月上已平澤潞淮南節度使兼中書令滄

州人李重進周太祖之甥也始與上俱事世宗分掌內

外兵權而重進以上英武出已右嘗心憚之恭帝嗣位

重進出鎮揚州領宿衛如故上即位以韓令坤代重進

為馬軍都指揮使上欲與相見謂翰林學士李 闕 草詔

云君為元首臣作股肱君臣之分方契永圖修好詔下愈

不自安乃招集亡命會李筠舉兵澤潞重進遣其親吏

欽定四庫全書

太平治道統類

十五

翟守珣往潞陰結李筠守珣素識上往還京師潛詣樞

密承旨李處耘求見上名問曰我欲賜重進鐵券彼信

我乎守珣曰重進終無歸志矣上厚賜守珣許以爵位

且令說重進稍緩其謀無令二虎並作分我兵勢守珣

歸勸重進養威持重重進信之上將經畧淮南戊申徙

重進為平盧節度使重進心增疑懼庚戌又遣六宅使

陳思誨齎鐵券往賜以慰安之思誨至淮南重進即欲

治裝隨思誨入朝左右沮之重進猶豫不決又自以前

朝近臣恐不得全乃拘留思誨蓋治反具遣使求援於唐唐主不敢納楊州都監左屯衛將軍安友規知重進必反踰城來奔重進諸將皆不附已乃因軍校數十人軍校曰吾輩為周室屯戍公苟奉周室何不使吾輩致命重進不聽悉殺之已未重進反書聞上命馬步軍副都指揮使歸德節度使石守信為楊州行營都部署兼知楊州行府事殿前都指揮使義成節度使王審琦為副都宣徽北院使李處耘為都監保信節度使宋延渥

欽定四庫全書

太平治世統類

卷一

為都排陳使帥禁兵討之上謂左右曰朕於周室近臣無所猜間重進不體朕心自懷反側今六師在野朕當自撫慰之癸卯詔削奪李重進官爵冬十月乙酉上問樞密副使趙普以楊州事宜普曰李重進守薛公之下策昧武侯之遠圖憑恃長淮繕修孤壘無諸葛誕之恩信士卒離心有素本初之強梁計謀不用外絕救援內乏貲糧急攻亦取緩攻亦取兵法尚速不如速取之上納其言丁亥下詔親征十一月戊戌次宿州甲辰次泗

州上命諸將鼓行而前丁未至大義驛石守信遣使馳奏楊州即破請上亟臨視是夕次其城下即時攻拔之李重進盡室赴火死陳思誨亦為其黨所害上購得翟守珣補殿直俄遣供奉官而重進性鄙吝未嘗有觴酒豆肉及其士卒下多怨者已酉賑給揚州城中民

見太祖聖政門

庚戌詔重進家屬聽自首

太祖征荆南

高繼冲

欽定四庫全書

太平治世統類

卷一

建隆元年八月荆南節度使貞懿王高保融竊疾以弟行軍司馬保勗總判內外融迂緩御軍治民皆無法度母弟保勗體瘠而口吃文獻王甚愛之雖盛怒見之必釋然而笑荆南人謂之萬事休郎居二年九月甲子以荆南行軍司馬寧江節度使保勗為荆南節度使上初聞保融之喪遣兵部尚書李濟往弔及還上問保勗堪其事否對以為可任而保勗貢奉亦數至及受節鉞保勗性淫恣日召市娼集府署擇士卒之壯健者使相媒狎勗與姬妾帷簾共觀笑之又好營造臺榭極土木之

功軍民咸感。詔室孫光憲諫曰：「宋有天下，四方諸侯莫不屈服。凡下詔書，皆合仁義。此湯武之君也。公宜克勤克儉，勿替勿僭。」上以奉朝廷中，以嗣祖宗下，以安百姓。若縱佚樂，非福也。保勗不從。三年十一月，保勗寢疾。召內牙都指揮使長安梁延嗣謂曰：「我疾遂不起，兄弟孰可付之後事者？」延嗣曰：「公不念貞懿王乎？先王舍其子繼冲，以軍府付公。今繼冲長矣，保勗曰：『予言是也。』即以繼冲權判內外軍馬事。甲戌，保勗卒。乾德元年正月，

欽定四庫全書

太平治統類

十一

月庚申，以山東道節度使兼侍中慕容延釗為都部署。樞密李處耘為都監，發諸郡兵會襄陽，討張文表。先是，盧懷忠使荆南，上謂曰：「江陵人情去就，山川向背，我盡欲知之。」懷忠使還，報曰：「高繼冲甲兵雖整，而控弦不過三萬年穀，雖登而民困於暴斂。南通長沙，東距建康，西迫巴蜀。北奉朝廷，觀其形勢，益日不暇給。取之易耳。」於是上召宰相范質等謂曰：「江陵四分五裂之國，今假道出師，因而下之，蔑不濟矣。」壬戌，李處耘辭上，遂以成算。

授之庚辰，以荆南節度副使權知軍府事高繼冲為荆南節度使。二月上，聞高繼冲託以供億王師，貸民錢帛，下詔止之。繼冲自以年幼，未知民事，政刑賦役，委節度使判官孫光憲軍旅調度，委衙內指揮使梁延嗣。曰：「事得中人，無間言。吾何憂也？」李處耘至襄州，時慕容延釗被酒，詔令肩輿，即戎事。先遣閤門使丁德裕喻繼冲以假道之意，請具給薪水。繼冲與其僚佐謀以民庶恐懼為辭，願供芻糧百里外。處耘又遣德裕往，光憲及延

欽定四庫全書

太平治統類

十一

嗣請許之。兵馬副使李景威說繼冲曰：「今王師雖假道，以收湖湘，然觀其軍勢，恐因而襲我。景威願効犬馬之力，假兵三千於荆門，中道險隘處設伏，候其夜行，發伏攻其主將王師，必自退却。回軍取張文表，以獻於朝廷，則公之功業大矣。」不然，且有搖尾求食之禍。繼冲曰：「吾家累歲奉朝廷命，此事爾無過慮。況爾又非慕容延釗，關曰：『舊傳江陵諸處有九十九州。』自武信王之初，江心深浪之，昨此州已自不存，並可憂汝。峽江一民爾。」

安能識成敗混一天下之志聖宋受命伐文表如以山

壓卽爾湖湘何能為惟早以疆土歸朝廷去荆楚可免

禍而公亦不失富貴繼冲不能行出而歎曰大事去矣

何用生為繼冲遣延嗣與其叔父掌書記保寅奉牛酒

來犒師且覘師之所為壬戌師次荆門處耘見延嗣等

待之有加禮諭令翌日先還延嗣喜馳使報繼冲以無

虞荆門距江陵百餘里是夕延到召延嗣等宴飲於其

帳處耘將輕騎數千倍道前迎繼冲初但俟保寅延嗣

欽定四庫全書

太平治道規類

三

之還遽聞大軍奄至即皇恐出迎遇處耘於江陵北十

五里處耘揖繼冲令延到率親兵先入登北門北繼冲

與延到俱還則王師已分據衝要布列街巷矣繼冲大

懼即詣延到納牌印遣客將王昭濟等奉表以三州十

七縣十四萬二千三百戶來歸庚子荆南表至上復命

繼冲為節度使遣樞密承旨王仁瞻赴荆南巡檢辛亥

以梁延嗣為復州防禦使孫光憲為黃州刺史王昭濟

為左領軍衛將上聞李景威之謀曰忠臣也命王仁瞻

厚恤其家十二月甲子赦荆南進羣臣階勛爵有差已

未以荆南節度使高繼冲為武寧節度使先是繼冲上

表乞陪祀許之因舉族歸朝乃命易鎮繼冲鎮彭門幾

十年委政僚佐部內亦治年三十一卒高氏據有荆南

歸峽之地傳襲三世五帥凡四十年

太祖平湖南

周保

周保權汝南郎王行逢之子盡心為治凡辟官屬必取

廉潔教民親賢館禮名士然性多猜忌左右少有忤意

欽定四庫全書

太平治道規類

三

者必置於法有學士徐仲雅者性滑稽時行逢多補鑿

首為司空太保一日謂仲雅曰吾奄有湖湘兵強俗阜

四鄰其懼我乎仲雅曰公部內司空滿天太保偏地孰

敢不懼行逢不悅斥之建隆元年上登極加行逢兼

中書令三年病革召其將吏以子保權屬之曰吾起隴

畝為國兵同時十人皆誅張文表

邠州人

獨存常快快不

得行軍司馬吾死文表必叛當以楊師璠討之如不能

則嬰城勿戰自歸朝廷可也師璠與行逢鄉里姻戚事

行逢為親軍指揮使數有功行逢委信之行逢卒保權
領留務冬十月張文表聞周保權立怒曰我與行逢俱
起微賤立功名今日安能北面事小兒乎會保權遣兵
更戍永州路出衡陽文表遂驅以叛偽竊素若將奔喪
武陵者過潭州時行軍司馬廖簡知留後素輕文表不
為之備方宴飲外白文表兵至簡殊不介意謂四坐曰
文表至則成擒何足慮也俄而文表率眾徑入府中簡
醉不能執弓矢但箕踞大罵與坐客十餘人皆遇害文

欽定四庫全書

太平御覽

卷五

表取其印綬自稱推留後事具表以聞保權即命楊師
璠悉眾禦文表告以先人之言感激涕泣師璠亦泣願
謂其眾曰汝見郎君乎年未成人而賢若此軍士奮然
皆思自効保權又遣使求援於荆南文表以上疏自理
二月丁亥以武平節度副使權知郎州周保權為武平
節度使甲辰遣中使趙璠等齎詔宣諭潭郎聽張文表
歸闕且命荆南發兵助周保權

會兵討文表
見平荆南門

乾德元

年癸亥命太常卿邊光範權知襄州戶部判官滕白為

南面軍前水陸轉運使丙寅以張勳為南面行營馬軍
都監盧懷忠為馬步軍都監丙子詔荆南發水兵三千
人赴潭州楊師璠之討張文表也兵稍失利相持既久
文表出戰師璠大敗之遂取潭州執文表初文表聞王
師來伐潛送款於趙璠且言奔喪郎州為廖簡所縛因
即私闕實無反心璠自以奉詔諭文表得其歸順甚喜
即遣使慰撫之師璠既入城縱火大掠而璠亦繼至明
日享將吏於延昭門指揮高趙語其眾曰觀中使之意

欽定四庫全書

太平御覽

卷五

必活文表若文表至闕圖害郎州我輩無遺類矣乃斬
文表於市盡腐其肉及宴罷璠召文表趙曰文表復謀
為亂已斬之矣璠太息久之二月王師既收荆南即日
趙郎州周保權懼召觀察判官曰凡所以請援於朝者
誅文表耳王師不還必將盡取湖湘之地幸觀衆謂保
權曰我所恃者北有荆渚以為唇齒今高氏束手若幅
巾歸朝幸不失富貴從富等不可乃與為拒守先路安
撫德裕至郎州從富等拒而不納盡撤部內橋梁沉船